

Por Xixón.

Un programa fechu por y para Xixón, enfocáu namái a solucionar los nuestos problemes, a aperiari les nuses faltes y a potenciar tolo bonu que tien el nuesu conceyu, tolo bono que tenemos.

Llibres d'atadures provinciales y estatales, el trabayu céntrase equí, en sacar alantre un conceyu de 273.422 presones teniendo en cuenta los sos enfotos, lluchando a comuña.

Xixón ye una ciudá preciosa, admirable, con una redolada rural privilexiáu. El mar entemecer cola yerba. Y asina queremos que siga siendo y vamos trabayar por ello y solo dir a consiguir si'l sofitu ye máximu.

La calidá del aire, el curiáu los nuestos mayores, el llibre desenvolvimientu de les nuses neñes y neños, daqué tan senciu como facer de la nuesa ciudá xuna ciudá amable.

Xenerar emplegu pa presones, non solo para máquines, educar n'igualdá, favorecer la integración, garantizar l'accesu a la Cultura, son les nuses pilastres.

A la fin, un Xixón enllenu vida.

1. Desenvolvimientu Urbanu Sostenible y Turismu.

Dende l'empiezu de les ciudaes, los fundamentos del urbanismu consistien en garantizar l'accesu de tolos ciudadanos a la vivienda, los servicios y la calidá de vida, asina como amenorgar les desigualdaes.

Estos entamos básicos son con demasiada frecuencia escaecíos o directamente actúase a la so escontra. Tenemos de plantegar reconquistar la ciudá por y para los ciudadanos. Para tolos ciudadanos.

1.1. Desenvolvimientu Urbanu Sostenible.

1. Plantegar unes propuestas vidables que perfeccionen el nuevu Plan Xeneral d'Ordenación para afaer la ciudá a les necesidaes reales de tola so población (teniendo en cuenta les categoríes xeneracionales y de xéneru) y collo, faela apeteceora y competitiva na so redolada.

2. Execución y desenvolvimientu del Planiamientu Xeneral Vixente. Desenvolvimientu de les zones verdes del Rínconín. Reconsiderar y modificar la estructura y usu del sector urbanísticu conocíu como la “Ería del Piles” UA-100.

3. Establecer dientro del Serviciu d'Urbanismu una oficina dedicada n'esclusiva a la xestión, execución y dinamización de los proyectos y sofitos enfotao a la rehabilitación interior de la ciudá. La execución de Proyectos que busquen la eficiencia enerxética y l'accesibilidá nes edificaciones yá esistentes ten de ser una prioridá. Otramiente, d'esta nueva sección dependeran tamién les execuciones subsidiarias a realizar per parte del Conceyu de Xixón.

4. Redefinir el contratu establecíu pa les llicitaciones del caltenimientu viario del conceyu, priorizando la que seya la meyor opción que garantice la correcta execución del serviciu, según la resultancia final de diches obres. Afitar un plan de choque inicial de 1.200.000 d'euros para revertir l'estáu deficitariu del caltenimientu viario tanto de la malla urbana como del medio rural.

5. Nueva ordenanza Municipal del Ciclu Integral de l'Agua. Realizar una ordenanza de curiáu y meyora de la rede d'agua potable y de la rede de saneamientu, que de la mesma sirva pa puxar pol bon trabayu de la nuesa Empresa Municipal d'Agües.

6. Partiendo del yá esistente pero llindáu nes sos funciones, Conseyu Económicu y Social, crear una mesa permanente qu'aconceye colos conceyos vecinos y en diálogu col gobiernu autonómicu del Principáu d'Asturies, l'Área Metropolitana Central d'Asturies, basáu na

colaboración municipal, ensin la creación de nuevos muérganos superfluos.

7. Estudiu d'implantación de sistemas de sofitu a l'accessibilidad, como ascensores y ramples mecániques.
8. Diseñu y implementación de planes espaciales de rehabilitación y revitalización de barrios, con especial incidencia nes soluciones d'accessibilidad, eficiencia enerxética y estética.
9. Ellaboración d'un plan actualizáu d'indicadores de sostenibilidad que dexen evaluar la situación actual y los tendencias que, en materia sostenibilidad urbana, acaecen nel conceyu.
10. Refuerzu de los servicios municipales d'inspección y xixilancia d'obres y servicios, asina como puxar pola calidá los proyectos d'obra y los pliegos de contratación.
11. Plan de revalorización de l'agua'l grifu, tanto na meyora de la excelencia de l'agua de Xixón como prestixiando y puxando pol so consumu nel ámbetu hosteleru y turísticu, sopelexando la so valía, promoviendo'l so consumu nel ámbitu hostelero y turísticu, habilitando l'accesu públicu y por aciu la educación ambiental.
12. Incorporación de materiales y soluciones innovaores, con altu valor añadíu ambiental, de suministru llocal y naguando pol mayor consensu posible col vecinderu próximu y la ciudadanía de Xixón para les obres d'iniciativa municipal.
13. Finar cola recuperación l'antigua Tabacalera y plan d'usos en tres exes: recuperación del patrimoni arqueolóxicu, industrial y la memoria social (reconstruyendo'l procesu productivu y respetando parte de les instalaciones fabriles); factoría de producción artística para profesionales y aficionaos (Cristasa o Parque Tecnolóxicu del Arte); equipamientu ciudadanu y de proximidá pal barriu Cimavilla”.
14. Plan d'amenorgamientu la presencia de textiles, toallines y contaminantes emerxentes nel agua residual de Xixón, por aciu la innovación y l'investigación, la divulgación de bonos vezos ciudadanos ya institucionales, la renovación d'equipos y la educación ambiental.
15. Puxu la Empresa Municipal d'Agües de Xixón (xuntu col restu de sociedaes locales) como'l preséu públicu pa la xestión integral de l'agua aumentando medios humanos y materiales, la incorporación de conocencia y l'innovación, el so fortalecimientu organizativu, el refuerzu del so papel frente al restu d'actores y l'impulsu de la so vocación d'algamar les más altes posiciones pente empreses asemeyaes del país.

1.2. Turismu.

1. Espaciu d'ociu y cultura “El Solarón”. Na llínea del espaciu Tivoli, presente na ciudá de Copenhague y asitiándolo nun espaciu públicu a recuperar de los disponibles na ciudá, crear ún. El sitiu preferente, que non esclusivu, sería parte del espaciu lliberáu pol Plan de Vies (conocíu popularmente comu El Solarón). Pequeñes atracciones, orixinales, bien distribuyíes, arrodiaes de llugares familiares onde comer y picar daqué (con preferencia d'alimentación propio de Xixón frente a grandes corporaciones alimentarias), y chiscáu to ellu de zones verdes d'ociu y relax, con un espaciu multifuncional central. Cuntaría con un horariu de distribución mensual y garante de la convivencia.

16. A ver la Ballena. Dinamizar los paseos familiares col allugamientu d'una gran ballena recreada en distintos llugares de Xixón. Un senciu elementu que enguape la nuesa ciudá y enfote les families a pasiar por ella “a ver la ballena”. Va Camudar aleatoriamente de llugar, de cuenta que se convierta nun xueu, diendo ver la ballena polos sitios nos que s'atope.
17. Xixón, ciudá del Cómic. Da-y color a les fachas dibuxando viñetes nes cais, grafitis y combinándolo con Xardinos Verticales col enfotu de crear rutes de paséu, sendes urbanes interesantes que desestacionalicen el turismu.
18. Firma de convenios con ciudaes pa la “promoción cruciada de destinos”, abriendo vías de turismu pente ciudaes de la mariña atlántica.
19. Sofitu a les empreses que desendolquen y comercialicen nuevos productos turísticos a partir de los recursos qu'ufierta'l conceyu.
20. Caltener y potenciar los grandes eventos de dimensión suprarregional en cultura y deporte, como preséu de desenvolvimientu'l turismu na ciudá, asina como reforzar la puesta en valor de la nuesa identidá cultural (hestoria, música, deportes, llingua) como elementu d'atracción turística.
21. Ellaboración d'una ordenanza o plan d'ordenación y control de los pisos turísticos.
22. Crear una Comisión Municipal de Turismu, onde se coordine la participación de les distintes árees del conceyu con incidencia sobre esta actividá (Cultura, Turismu, Movilidad, Medio Ambiente, Deporte, Seguridá, y Economía).
23. Promoción del turismu ferroviariu, potenciando'l nuesu Muséu del Ferrocarril, diseñu de programes específicos que pongan en valir l'escelente patrimoniu ferroviariu, creación d'un Parque Ferroviariu na zona verde de Moreda xuníu al Muséu y la conexón del mesmu a la Rede Ferroviaria d'Interés Xeneral qu'apurra trayectos turísticos pol conceyu y la rexón con trenes hestóricos.
24. Aprovechamientu les parcelas municipales del monte de Valdornón nun espaciu pa usu y esfrute. Creación d'un muséu vivu dedicáu a usos industriales de la madera en Xixón como la construcción de barcos, entiba mines, etc. Espacios pa'apadrinar un árbol o llantar ún per cada recién nacíu. Tratar de crear una masa d'arboláu autóctono, onde coesistan zones de desendolque natural y otres xestionaes, con un fin cultural y d'esparcimentu.

2. Equidad, Derechos Sociales y Empléu.

Son trés palabres que siempres tendríen de dir xuntes pos namái asina ye a garantizase'l Bienestar Social.

2.1. Equidá y Drechos Sociales.

1. Elaboración d'un Plan Integral d'Exclusión Social, potenciando la Rede d'Inclusión Activa del conceyu de Xixón (REDIA), qu'escaez del Plan Específicu, y potenciar la Llei del Voluntariáu.
 2. Fortalecer al Tercer Sector d'Acción Social como actor ya interlocutor nes polítiques públiques nel ámbitu social ya impulsar la so inclusión nel Comité de Bioética de la SIBI.
 3. Estudiu y reformulación nel so casu, del Serviciu d'Ayuda a Domiciliu, a partir de la so configuración actual col fin de meyorar les sos resultancies. Siempre venceyáu al aséu, cosa qu'esclúi a una parte los y les usuaries pola reticencia d'estes escontra l'acción destinada, asina como revisar el copago.
 4. Revisión de les Ayudes a les Viviendes d'Arriendu, pos la obligatoriedá que supón, fai abegosu l'accesu a los posibles usuarios reales.
 5. Tener siempre en considerancia la Llei 27/2013 de racionalización y sostenibilidad l'Alministración Local. Racionalizar el gastu y mayor llibertá del presupuestu con cuenta de se afaiga a les inversiones sociales pa les y los ciudadanos.
25. “Por Xixón, la so ciudá”. Crear un conceutu qu'impulse de forma integral actuaciones municipales pa la meyoría de la vida de los nuyos mayores con tres exes a siguir:
Total gratuidá de los servicios de los Centros Municipales para los mayores (cuota de piscina, yoga...) col fin d'animar la so participación na vida en comuña ya curiáu la so salú.
Ampliación de la oferta municipal d'infraestructures para presones mayores.
Puxu específicu pola participación de los nuyos mayores na vida institucional y social de Xixón, poniendo en valor les sos conocencies y esperiencias.
26. El curiáu de les capacidaes los nuyos mayores. Terapias reminiscentes. Enllantar nes residencies de vieyos y centros de día xardines terapéuticos onde puea realizase una estimulación sensorial (colores, golors, soníos y testures) contextualizada. Por aciu les plantes, flores y música, trabayar los sos enfotos calteniendo vivos los sos sentíos.
27. Plan pa l'atención de mayores y con dificultaes nes sos relaciones cola alministración municipal. Convenios con otru alministraciones y organismos públicos y privaos col mesmu fin y en cada unu de los sos ámbitos (alministración autonómica, estatal, Correos, Axencia Tributaria, Empresas de suministru d'eletricidá, entidaes bancaries...) y toes aquelles a les que toos tenemos que recurrir obligadamente al envís de salvaguardar la so independencia y los sos derechos.
28. Plan de siguimientu de les condiciones de vida de les persones mayores que tean ingresaes en residencies de vieyos, con medios propios y por aciu convenios con organizaciones sociales y dientro de les competencies municipales. Tamién va tener en cuenta a les persones mayores (acompañamientu, socialización, nutrición, etc) que vivan soles reforzando la so rede de sofitu personal.
29. Tate atenta/u. Campaños de sensibilización solos abusos en menores empobinaos a les families y al personal de los Centros Educativos, cola fin d'alcontrar los síntomes y poder actuar na mayor brevedá posible.
30. Asegurar la cobertura les necesidaes básiques a tola ciudadanía de Xixón (alimentación, pernociación, vestuariu y educación) al traviés de la Rede d'Inclusión Activa de la Fundación Municipal de Servicios Sociales.

31. Favorecer les soluciones de convivencia pente xeneraciones (moces y mayores).
32. Habilitar y afaer zones para'l paséu de presones mayores alreñior les residencies xeriátriques (pisu afayaízu, instalación de bancos, etc.).
33. Caltener los criterios de Contratación Socialmente Responsable nos determinaos procedimientos de contratación pública desendolcaos pol Conceyu.
34. Desendolcar programes específicos d'avieyamientu activu.
35. Siguir avanzando pola culminación del procesu d'accesibilidad integral nel conceyu (víes públiques, señalización, dotaciones, equipamientos, instalaciones deportives, etc.).
36. Ellaborar y asoleyar un Plan Municipal de Drechos del Colectivu LGTBI, col fomentu de polítiques de sensibilización y respetu a les diversidá sexual y a les distintes opciones sexuales, apostando por una educación sexual reglada.
37. Dotar a les biblioteques municipales de fondos bibliográficos rellacionaos cola diversidá sexual.
38. Ellaborar y asoleyar un Plan Municipal escontra'l Racismu y la Xenofobia.
39. Puxu a les “guarderías llaborales” o d'empresa nel ámbitu de la negociación colectiva y de la responsabilidad social corporativa de les sociedaes mercantiles, asociaciones y polígonos industriales y parques tecnolóxicos.
40. Capacitación profesional ya insertamientu llaboral de les persones con discapacidá: ameyorar la formación permanente d'adultos y aumentar les oportunitades profesionales tres la escolarización obligatoria, al traviés del establecimientu de diversos conciertos y convenios entre los distintos sectores formativos y empresariales, impulsando alcuerdos y normes de protección escontra l'empléu y ameyorando la comunicación.
41. Integración llaboral n'empresas provisoras de servicios públicos: Promover midíes específiques de sofitu al emplegu de presones con discapacidá nos concursos de contratación de bienes y/o servicios de les alministraciones públiques.
42. Creación d'un Distintivu d'inclusión de la discapacidá destináu a entidaes y empreses que destaquen poles sos acciones solidaries y d'integración llaboral d'estos colectivos, al envís de promover y visibilizar la convivencia.
43. Afitamientu midíes qu'impulsen la plena ciudadanía de les persones con discapacidá intelectual o del desenvolvimientu, la igualdá d'oportunidades, la so participación, la so pertenencia y l'exerciciu de los sos derechos por aciu l'autonomía personal y la inclusión na comunidá, l'atención a les families, l'accesu a la cultura y al ociu, la promoción de la vida independiente, la efectiva eliminación de barreres potenciando l'accesibilidad cognitiva, etc. Esto ye, la inclusión.
44. Reconocencia de la importancia de la cooperación internacional al desenvolvimientu y del papel de les ONGD locales, recuperando la partida presupuestaria municipal fasta algamar el 0,7% a lo llargu la llexislatura.

2.2. Actividad económica y Empleo.

L'emplegu ye'l primer exe necesariu pal puxu'l conceyu, pero tamién el puntu básicu imprescindible pa la vida familiar, polo que fomentar polítiques que promuevan nuevos puestos de trabayu, asegurar los yá existentes y que toos ellos sían calidables, tien de ser el puntu partía de la economía municipal.

1. Creación de superficie industrial al traviés de la cesión de suelu municipal, xuntu cola dotación d'infraestructures necesaries pa'l desendolque d'actividaes na redolada del nuevu desenvolvimientu agroalimentariu la Camocha.
2. Puesta en valor del Rastru Dominical de Xixón. Ameyorar la redolada, promocionar el mesmu rastru y cooperar con vendeores pa una mayor dinamización.
3. El financiamientu como preséu fundamental nel sofitu a la creación d'empreses. Favorecer nueves fórmules innovadores, como'l riesgu compartíu públicu-priváu, la movilización del financiamientu priváu pa la creación de pequeñes y medianes empreses y la microfinanciación social (crowdfunding).
4. Desendolque d'una estratexa d'allugamientu de Xixón como ciudá prestosa pa la inversión productiva. Desendolque d'una estratexa d'allugamientu de Xixón como ciudá innovadora y receptora de talentu. Para estos dos puntos ye necesariu una participación n'asociaciones y redes relevantes para la ciudá, col doble oxetivu d'aprender de les ciudaes líderes en cada ámbetu y sofitar a les empreses allugaes nel nuesu conceyu nes sos estratexes d'internacionalización.
5. Intensificación y desendolque la participación en programes europeos qu'apurran nueves fontes d'ingresos pa la ciudá.
6. Dinamizar el comerciu nos barrios, desendolcando acciones de sensibilización y promoción del comerciu, incluyendo la puesta en valir de zones específiques para la recuperación del comerciu de proximidad y la busca de soluciones a los baxos comerciales vacíos.
7. Creación del programa Comercios Innovadores de Xixón como sofitu especializáu para treslladar conocencia y claves d'innovación y futuru que dexen aumentar la competitividá y la capacidá comercial del nuesu pequenu comerciu.
8. Ellaborar un Plan Estratéxicu Industrial (enfotáu nos dixebras planes estratéxicos, tanto municipales como autonómicos), que dexen conocer y empobinar la política industrial del conceyu, y que sía preséu pa'l desenvolvimientu, l'afitamientu, el fortalecimientu ya ordenación del texíu industrial xixonés.
9. Impulsu la Empresa Municipal de la Vivienda y aumentu del parque municipal por aciu l'alquisición, alcuerdos con bancos y entidaes que caltienen pisos vacíos o construcciones ensin terminar por aciu la negociación y l'empléu de tolos mecanismos llegalos al algame del Conceyu. Promoción pública de viviendes pal réxime l'arriendu.
10. Desenvolvimientu d'una llínea específica de trabayu pa l'atracción al conceyu de talentu emprendedor internacional, al empar que se realicen les acciones necesaries para retener y sofitar el talentu llocal.
11. Puxu de Xixón como ciudá universitaria y de conocencia.

12. Afitar una llínea ayudes empobinaes a sofitar una segunda oportunidá vidable dientru'l pequeñu negociu.
13. Dotar de recursos, capacidá y dotación económica abonda al Departamentu d'Iniciatives Internacionales y asuntos europeos del Conceyu de Xixón por que puedan realizar dafechu'l so llabor.
14. Puxu la formación profesional convencional y dual, por aciu convenios de collaboración pa la realización de práctiques y collaboraciones, contratos en práctiques o d'estrenu la vida llaboral pente'l Conceyu y sobremanera les sos empreses públiques colos centros d'enseñances profesionales y la Universidá d'Uviéu. Va impulsase qu'otres empreses locales se axunten a los convenios.
15. Permeabilidá pente les Oficines d'Empleguu y l'Axencia Estatal d'Emplegu pa que lleguen a les ufiertes.
16. Afitar una rede artesanos n'edificios de propiedá municipal, con sitiu d'esposición y venta. Una Casa Oficios, xastrería, zapateros, etc.
17. Estudiu de dinamización de nueos mercaos pelos barrios. Espoxigue en collaboración pente Conceyu, Asociaciones de Vecinos, Asociaciones d'Artesanos, Asociaciones de Venta Ambulante y Agricultura Ecolóxica.

3. Economía y Facienda.

Tradicionalmente, los procesos económicos fueron estremaos en trés fases: producción, distribución-circulación y consumu. Estes categoríes respunden a les formes d'interacción social en toles sociedaes. La nuesa ciudá, como tantes otres al nuesu alredior, va viendo llindaes eses rellaciones sociales a la cabera fase, torgando l'accesu a la producción y, por ello, desmembrando la malla económica que tendría de fortalecer la ciudá. Texer una rede empresarial que garantice l'espoxigue profesional de los nuegos mozos y caltenga el yá esistente, ye una prioridá absoluta para nós.

Na Facienda Pública coesisten dos enfoques:

Unu positivu (el "ser" de les entrugues), qu'intenta desplicar teóricamente'l funcionamientu del sector públicu.

Y otu normativu (el "tien de ser"), qu'ellabora encamientos para poder decidir pente les polítiques públiques más afeches ante una cuestión determinada.

Solo siguiendo los trés preceptos básicos que Musgrave atribúye-y a la Facienda Pública, vamos consiguir unes cuentes saneaes y eficaces: L'asignación eficiente los recursos, la distribución de la renta ya'l fomentu la estabilidá y el desenvolvimientu económicu nel nuesu Conceyu.

1. Meyora de la coordinación de los proyectos empresariales ya innovaores esistentes fomentando los llazos pente entidaes y usuarios en Cristasa, Parque Científicu-Tecnolóxicu, pebidales, futura industria azul y futuru proyectu de La Camocha.

45. Impulsar los servicios municipales rellacionaos al emprendimientu, dotando a Tecrea, Impulsa, Cristasa... con recursos humanos, formativos y puxando pola orientación proactiva los mesmos: meyora de visibilidá física y virtual, averándose al usuariu potencial en centros educativos

y de formación profesional, ferias y alcuentros innovadores y relativos al fomentu de les explotaciones agraries en finques rústiques municipales.

46. Realizar conciertos y convenios con instituciones públicas y privaes de sofitu a ideas y proyectos de emprendimientu innovador y viable pa aprovechar tola potencialidá del conceyu n'idegues qu'apurran riqueza y emplegu, sofitando vdafechu la so nacencia y espoxigue.

47. Facilitar l'asesoramientu de siguimientu y mentoring empresariales, asina como otros ferramientes eficaces de cooperación, acordando con asociaciones profesionales, colexales y otros que vienen collaborando voluntariamente nestes actividaes.

18. Sofitu específicu al desenvolvimientu de nueves empreses en sectores venceyaos a les dinámiques urbanes, como les TIC y les industrias cultural y creativu.

48. Ameyorar y ampliar la ufierta de finques rústiques, cola incorporación de parcelas non municipales a un bancu de tierres llocal, facilitando a fórmules de trabayu asociáu o cooperativu l'alquisición de granes, maquinaria, análisis de suelos, estudios, etc. Tamién se van habilitar sofitos por que los sos productos lleguen a mercaos llocales (rastru, ecolóxicu, ferias, catering n'eventos, comeores escolares y de mayores, etc), fomentando'l consumu de productos llocales.

49. Sofitu por aciu incentivos d'aquellos sectores que señala'l Plan Estratéxicu Municipal (tecnolóxicu, industria azul, agricultura ecolóxica, sectores sostenibles, economía circular, economía social y tercer sector).

50. Incorporación del fraccionamientu del pagu d'impuestos municipales fasta cuatro plazos ensin recargu.

51. Creación dende'l Conceyu, los sos organismos y empreses de preseos d'I+D+I propios que lideren proyectos de desenvolvimientu ya innovación en collaboración cola Universidá d'Uviéu, empreses locales tecnolóxicas y otros entidaes (como CSIC) siendo (sobremanera les empreses municipales) tractores y beneficiaries de les sos resultancies.

52. Puxu y estímulo del usu y creación del software llibre y de fontes abiertes, tanto pa'l so usu internu pola alministración local y de los ciudadanos que con ella se rellacionen, como fonte de riqueza de les empreses llocales que la desendolquen.

53. Aplicar IBI superior a les viviendes que cunten con llicencia de pisu turísticu.

54. Enllantar un tributu local sobre los caxeros automáticos de les entidaes bancaries por usu particular del dominiu públicu cuando'l caxeru te instaláu nuna fachada que dea a la vía pública.

4. Cultura, Educación y Salú.

Cultura significa Saberes, conocencies propias, y les conocencies trescríbense como llibertá. Garantizar l'accesu a la cultura a tolos habitantes del conceyu, significa apurrir autonomía, espoxigue interior, La Educación ye la base d'esa Cultura, la pilastra onde se van asitiar tolos aprendizaxes. Poro, ye necesariu fomentar la participación de tola comunidá nella, arropar a les neñes y los neños nel camín del descubrimientu, garantizar que seya calidable y con respetu. Y la Salú va ser la tercer vía para'l desendolque integral de la presona, para la crecedera completa ya individual.

Curiar, acompañar, abrigar, alzar a toles presones del conceyu y n'especial, a los colectivos más fráxiles, ye llabor de toos, Per Xixón.

4.1. Cultura.

1. Proyectar un empoderamientu la Llingua, redescubrir el castellán. Cuentos, narraciones, llibros, películes, poesía, cantares, chistes, les nuses riques riegles gramaticales y formes lliteraries (paráboles, metáfores...)

55. Trespasar esi emponderamientu a la Llingua. Los nuses camientos tán vehiculizaos pol llinguax y namái podemos camentar lo que podemos oxetivar con pallabres. Consiguir llexitimar alministrativamente la nuesa Llingua, va ser la única forma consiguir llexitimar el nusu pensamientu.

56. Crear un muséu tiflolóxico. “Nes sos manos”. Existe en Xixón una gran comunidá d'invidentes que tamién precisen tener accesu a la cultura. Asoleyáu en suelu municipal, dotar a la ciudá d'un muséu onde la vista nun seya necesaria.

57. Potenciar la Rede de Museos de Xixón, con campañes divulgatives que la pongan en valir.

58. Sofitu y fomentu a los intercambios d'esperiencies y manifestaciones culturales y artístiques con otres ciudaes europees.

59. Siguir col averamientu la cultura a los barrios al traviés de la creación d'una nueva programación de ciclos d'actividá cultural que descentralice, acordando les actividaes coles comisiones sociu-culturales de los Consejos de Distritu.

60. Puxu específicu de Xixón como metrópoli de conciertos y alcuentros culturales, fortaleciendo los nuses eventos públicos añales (FETEN, FICX, Sound Festival, Selmana Negra, la Selmana Grande, etc.).

1. Promover “Xixón, Ciudá del Cómic” a travies de beques, intercambios y concursos, asina como la creación d'un Muséu del Cómic qu'enllene la ciudá d'Arte.

2. Crear núcleos musicales y orquestes comuñales específiques pa neños y mocedá, sofitando a evitar la estratificación cultural.

3. Sofitu a les compañíes y artistes profesionales llocales, potenciando la so proyección y espardimientu, dignificando les sos condiciones llaborales/económiques y el so calter de trabayadores culturales y afitando mecanismos que favorezan la igualdá d'oportunidaes.

4. Tomar na ciudá'l más ampliu espectru de manifestaciones culturales y artístiques, y pa tou tipu de públicos.

5. Espardir la programación, amás de nos centros culturales de la ciudá, nel espaciu urbanu, biblioteques, mercaos, centros educativos y museos.
6. Puxu'l Derechu a la Cultura como exe tresversal al traviés de l'acción per barrios, partiendo de los entamos de descentralización territorial, participación, diversidá cultural, calidá artística ya innovación.
7. Apurre d'infraestructures, como Tabacalera o la redolada de Naval Xixón. El paisaxe urbano tien un calter claru d'interés, pola so bayura y poder.
8. Creación d'una páxina llibre para la promoción y esposición de los nuegos artistes, col accesu n'igualdá de condiciones acompañada d'un programa de sofitu.
9. Xixilar pola influencia la publicidá nos espacios públicos, llindando l'accesu puramente mercantilista de la publicidá apegada a eventos artísticos. La llibertá d'espresión ye directamente proporcional al accesu a los medios d'espresión ya la capacidá d'espardimientu.
61. Crear un Centru Interpretación de la Ciudá que dexa, tanto a los ciudadanos como a los visitantes, un mayor esfrute y conocencia sobre la construcción histórica de la ciudá.
62. Diseñar y afaer un tramu del Camín de Santiago para presones con distintos tipos de discapacidá (adaptación del pisu, conteníos con realidá aumentada col restu de tramos qu'escurren pel conceyu, etc.).
63. Ellaborar distintos materiales turísticos sobre la ciudá metanes l'aplicación de recursos de realidá aumentada (guíes culturales, naturales, percorríos pela ciudá, etc.)
64. Programar un Certame Añal d'Arte Nueu dedicáu a les distintes formes d'espresión artística (música, baille, pintura, fotografía, tatuaxes, grafitis)
65. Actualizar el conveniu marco de colaboración pente la Universidá d'Uviéu ya'l Conceyu de Xixón.
66. Plan d'intervención artística en medianeres, parés y muries degradaes por aciu distintes técniques artístiques muralístiques, potenciando l'arte local y el so intercambiu con artistes invitaos.
67. Reclamar, revisar y aplicar l'informe encargáu a Charles Laundry, pa'l proyectu Xixón Creativu.
68. Festival de Títeres para neños (coordináu con Fetén) y para adultos y ciclu de teatru clásicu.
69. Puxu les infraestructures culturales esbardiaes (como'l Teatru Xovellanos con una infrautilización escandalosa) y coordinación con otres de distinta titularidá como les autonómiques (taquilles compartíes, programación complementaria, aprovechamientu de sinerxies).
70. Aprovechamientu d'espacios públicos pa usos artísticos como programes Arte na Cai n'ámbetos como les portales de Marqués de San Esteban que revitalicen el llugar y que faciliten el so usu tou l'añu independientemente de les condiciones metereolóxicques. Puxar pola música na cai de mena regulada y nos llocales aptos para música en directu. Sofitu a los grupos locales de too tipu.
71. Recuperación de la memoria social, hestórica y patrimonial del conceyu, metanes paneles, murales ya intervenciones artístiques nes zones públiques rellacionaes.

72. Plan de embellecimiento'l conceyu por aciu la recuperación del patrimoni u esistente y la incorporación de nuevos elementos artísticos y naturales efímeros o definitivos, la convocatoria de concursos y l'aprovechamientu de nuevos obres o infraestructures para incorporar nuevos idees nesti campu.

4.2. Educación.

1. Trabayar dende la infancia la tolerancia a la frustración, sofitando a los padres a educar en respetu con cursos d'estratexes non permisives, coles mires de facer neñes y neños felices y sanos a tolos niveles y evitar alteraciones comportamentales na adolescencia.

73. Habilitar nuevos calces de diálogu coles families para detectar faltes y necesidaes na educación, para resolveles a nivel municipal o pal so treslláu a nivel provincial.

74. Inscribir al conceyu nel envís européu de “La Milla Diaria”. Un compromisu cola Comunidá Educativa por que los y les escolares percuerran una milla al día, al envís de interiorizar la necesidá de practicar actividá física a diariu y combatir la obesidá y el sedentarismu infantil.

75. Provisión de soluciones integraores pa los neños y neñes que tean en riesgu de desprotección o con déficits que los faigan más vulnerables.

76. Collaborar cola xente moza nel diseñu d'un ociu responsable, con énfasis en garantizar una redolada segura, respetuosa y de llibertá.

77. Campañes sola copa menstrual (especialmente pa adolescentes), única vía qu'aúna salú (compreses y tampones son tóxicos y nocivos para los nuestos muérganos sexuales), economía (cuesta 23 euros y dura años) y curiáu del Mediu Ambiente.

78. Puxar pola implicación de l'alministración municipal na llucha escontra l'acosu infantil:

a) Afitar una campaña municipal so “Espacios llibres d'acosu infantil”, empobinada a los centros educativos de la ciudá, espacios deportivos, etc.

a) Ellaborar una guía municipal para prevenir los distintos tipos d'acosu infantil (físicu, ciberacosu, etc.).

79. Puxu y educación nel usu de tecnoloxíes y redes sociales nel ámbetu la familia, la escuela y otros para prevenir problemátiques asociaes al usu y abusu del móvil y tabletes por menores.

80. Revisión continua y adaptación a la demanda real de places de 0 a 3, facilitando la conciliación nel conceyu.

81. Asignación permanente d'espacios nos CMI pa l'usu la mocedá, ufiertando talleres d'interés, actividaes ecléctiques y espacios de xunta, que permitan la participación na comunidá y l'autonomía.

82. Incluir la voz y l'opinión de neños y neñes, los sos cuidadores y los mozos na comprensión y el diseñu de sistemes y programes que los afecten.

4.3. Salú

1. “Por un Xixón Natural”. Vamos Aplicar toles restricciones posibles dende l'ámbetu municipal a los tóxicos na vida cotidiana, amenorgando l'impactu de los disruptores endocrinos.
83. Dotar a la Oficina Municipal de Consumu d'una mayor capacidá de mediación pente les presones afectaes y les empreses provisoros de productos y servicios sobre les qu'haya quexes.
84. “Plan de Xixilancia de la Salú de los Vecinos”, que curie específicamente a los vecinos que viven nes zones más castigaes pola contaminación atmosférica.
85. “Por Guah.es Sanos”. Salú na comida infantil. Campañes de concienciación nos centros escolares, sobre lo que significa llevar una dieta saludable y les sos consecuencias, según les consecuencias dañibles de nun llevala. Desenvolvimientu de campañes públiques y pedagóxicos de Consumu Responsable y protección de consumidores, lo mesmo que de consumu de productos ecolóxicos y d'orixe local o de Comerciú Xustu.
86. Serviciu de clases terapéutiques (pilates, yoga, stretching) para trabayadores dependientes del Conceyu con riesgos llaborales acomuñaos, col fin de fomentar una bona actitú corporal nel dí a dí y evitar mancaures por mala praxis.
87. La violencia obstétrica. Impulsar la revisión los protocolos obstétricos intentando amenorgar la violencia, informando a les usuaries de los sos drechos.
88. Caltenimientu afayaízu y nueva dotación de los baños públicos.
89. Puxu la salú ante les llamaes Nueves Adicciones (Nueves Tecnoloxíes, Consumu, Apuestes). Favorecer convenios con Centros de Salú y Asociaciones para la formulación d'estudios sobre les nueves dependencies na ciudá. Prohibición de publicidá n'espacios públicos, asina como víes y escaparates, d'actividaes d'apuestes deportives

5. Mediu Ambiente, Mundiú Rural y Movilidad.

El Mediu Ambiente lo ye too y como tal, el so curiáu, preservación y meyora tienen de dir implícites en caúna les midíes y les árees d'esti programa. Combatir la contaminación atmosférica y la contaminación de les agües, suponen los puntos d'arranque.

Más de 27.000 vecinos habiten na zona rural y periurbana. De cutiu, el conceutu ciudá invisibiliza la realidá, el Conceyu” de Xixón ye tamién rural; tien de ponese en valir.

Ye necesariu afaer y ameyorar la malla urbana esistente para una movilidad sostenible real, una pacificación del tráficu y unes meyores nel serviciu de tresporte públicu allugaes a les necesidaes actuales de los ciudadanos

5.1. Medio Ambiente y Mundiú Rural.

1. Desendolcar un Plan Regulaor de los Polígonos. Camudar los polígonos industriales más antiguos y más próximos al centru urbanu, en bolsa de suelu en reserva.

90. Desendolcar un Plan d'Inspecciones n'empreses para comprobar que se cumple la normativa ambiental. Garantizar una formación afayaíza y real a los axentes responsables de realizar estes inspecciones.

91. Elaboración y desenvolvimientu del Plan Municipal de Xestión de Borrages de mientres el primer añu. Va implantase, de mena progresiva, el recibu individualizáu de la basoria, de mena que quien más recicle menos va pagar de tasa municipal, partiendo de l'actual base.
92. Puxu prioritariu a los espacios verdes asitiaos acordies col Planiamientu Xeneral vixente.
93. Implementar un Plan Integral d'Infraestructura Verde/Territorial/Urbana.
 - Conexón campu-ciudadá: accesibilidá a la ñatura pa'l ciudadanu, introducción de la ñatura na ciudadá a través de correos ecolóxicos dende les zones verdes urbanes a la rural. Conectividad pente hábitats. Creación d'un cinturón verde ampliando l'Arcu Medioambiental.
 - Control d'especies vexetales invasores favoreciendo'l denomináu “Emplegu Verde”.
 - Puesta en valir de la Rede de Parcelas Rústiques municipales, sacando a llicitación de mientres el primer añu de mandatu un terciu de les esistentes na base rexistral. Desendolque'l Plan d'Usos y Xestión del Monte Deva.
94. Xuntase a distintes redes europees d'agricultura urbana y de compostaxe, incentivando la Economía Circular y el reciclaje de borrajes nos sistemes allimentarios.
95. Creación d'una Axencia Local d'Enerxía que xestione'l suministru enerxéticu del Grupu Conceyu y asesore a la ciudadanía so enerxía, divulge y espublice. Va Impulsar l'usu les enerxíes alternatives, la so xeneración distribuyía, autoconsumu conectáu o non, desendolque de redes de calor y fríu a partir d'actividaes con producción sobrante de calor, soluciones d'economía d'escala en materia d'enerxía y sistemes d'alta eficiencia. Diseñarase un Plan Local d'Enerxía.
96. Plan de renovación de pavimentos, a partir de la necesidá de recuperar l'estáu llamentable de calzaes y ceres, van incorporase pavimentos continuos nes segundes y nuevos materiales sonorreductores, drenantes y ambientalmente activos pa les primeres. Xixilarase tol procesu dende'l proyectu, la llicitación fasta la execución.
97. Cumplir el Plan d'Acción para la Enerxía Sostenible (PAES). Propónse aprovechar el biogás resultante de la dixestión de los fangos de depuración na EDAR La Reguerona para'l autoabastecimientu eléctricu y de calor de la instalación, cola collaboración del restu d'alministraciones competentes.
98. Desendolque de nueves campañes de civismu en rellación a los escrementos y orinos de perru concenciando a los humanos responsables, de la necesidá de caltener una ciudadá llimpia “fasta nes esquines”.
99. Proponer la creación d'una cooperativa d'agricultura ecolóxica.
100. Allugamientu de llugares d'aséu para perros, onde poder bañar a los nuevos animales de compañía, llibres na sablera para perros y d'usu cola tarxeta ciudadana nel restu....
101. Dotar al albergue municipal d'un espaciu compartíu pa los usuarios acompañaos de perros, ameyorando asina los itinerarios d'insertamientu y dando serviciu real a aquellos que lo precisen, ensin que spongan molesties adicionales al vecinderu.
102. Puxu a la supresión del usu de plásticos nel términu municipal y de la investigación en materiales d'orixe vexetal y totalmente biodegradables, siendo líder y exemplu la mesma organización municipal.

103. Implantación en parques públicos y zonas d'ociu, de cubriciones parciales permanentes, que dexen la entrada de lluz y coles mesmes, l'esfrute d'actividaes al aire llibre.

104. Impulsu del comerciu na zona rural por aciu furgones-tienda previu estudiu de la so viabilidad, mercadinos o tiendas físicas estables, chigres-tienda qu'amás ameyore'l serviciu a los sos habitantes.

105. Alcuertu cola alministración autonómica que ye la competente pa la implantación de consultorios rurales nos que s'atienda a los usuarios (sobremanera a los de más edá) una vegada a la selmana, emplegando la infraestructura pública (escueles rurales, locales asociativos...) que va afaer el Conceyu.

106. Promoción de la economía rural por aciu l'impulsu a los profesionales y empreses (de tipu social preferentemente) qu'atiendan les necesidaes de la población de la área rural (sobremanera la más avieyada) tocantes a caltenimientu de finques y praos, forestal, curiaos personales (a la infancia y a la xente mayor o cualesquier otra).

5.2. Movilidad.

1. Entamar, nuna segunda fase del Plan de Vies, la barrera ferroviaria fasta'l Cerilleru. La otra gran barrera esistente, ye la Avda. Príncipe d'Asturies (afectando tamién a Pumarín y al Polígonu). Xeneraranse zones mistes.

107. Movilidad Sostenible pensando nes presones y non nos vehículos particulares. Afitar carriles preferentes para la circulación d'autobuses urbanos y taxis, al traviés d'un plan progresivu d'implantación dafechu a la puesta en funcionamientu del Metrotrén y del so serviciu de Renfe Cercaníes.

108. Doblar les places de minusválidos en determinaes zones o barrios de la ciudá con mayor demanda asina como estudiar soluciones pa les aglomeraciones de vehículos nes hores d'entrada y salida frente a les puertes de los centros escolares y la movilidad en rellación colos centros sanitarios (particularmente los centros de salú y d'especialidaes).

109. Impulsar acciones empobinaes a la meyora de la conectividad del conceyu, tanto a escala rexonal como supraregional.

110. Promoción de soluciones de tresporte compartíu ensin ánimu d'arriquecimientu y de movilidad llaboral sostenible en collaboración con empreses, asociaciones de polígonos industriales y patronal y sindicatos.

111. En coordinación colos Planes de Movilidad, Plan de Vies, AMCA y otres instituciones, puxar por que la rede cercaníes n'anchu métricu y convencional como medio de tresporte pa trabayadores de grandes polígonos ya industries: Tremañes, Mora Garay, Arcelor, Somonte, etc. Los apeaderos actuales sedrién nodos pa autobuses llanzadera con frecuencies, horariu y trayectos estudiaos y consensuaos colos usuarios (trabayaos, empreses, xestores, alministraciones) para maximizar la so utilidá. Taría incluyíu nos planes d'amenorgamientu d'emisiones CO2 Nox.

112. Desendolque y execución sostenible del Plan de Movilidad de la ciudá, en collaboración col Foru de la Movilidad, y priorizando inversiones en virtú de la so contribución a la pacificación del tráficu, puxu la seguridá vial y amenorgamientu de la contaminación atmosférica.

113. Reconocencia del taxi como serviciu públicu y el so impulsu como ferramienta de movilidad para dar solución a munchos problemes como la movilidad de la xente mayor, la movilidad rural, l'asistencia médica non urxente, el tresporte escolar en determinaos casos y otros.

114. Redacción, reforma y desenvolvimientu de la ordenanza del Taxi nel conceyu, con participación de les cooperatives y colectivos afectaos. Proponemos la ordenación del serviciu de taxi como de realización n'esclusiva por vehículos con llicencia como tal. Creación de paraes coyunturales na celebración d'eventos, planiaes conxuntamente coles d'autobús al so par. Meyora na visibilidad de les paraes de taxi.

115. Meyora y xeneralización de los caminos escolares seguros en toes los colexos del conceyu, según en redolaes cercanes a los centros de salú, de mayores...

116. Meyora na seguridá de los pasos de peatones metanes sistemes d'amenorgamientu de la velocidá de los vehículos, la educación vial de conductores y viandantes, la señalización lluminosa y les bandes de testures previes al pasu, la meyora de la visibilidad. Tamién se va actuar nes cruces ya intersecciones pelligroses.

117. Meyora de la seguridá piatonal en puntos conflictivos. N'especial, aumentu de los oreyones urbanísticos y eliminación de chaflanes en cais residenciales d'accesu o salida a vías prioritaries.

118. Conexón de los carriles bici esistentes, conectándolos pente sí, y dotándoyos d'una configuración en rede, especialmente naquelles vías consideraes prioritaries o d'abegosa pacificación del tráficu.

119. Optimización y regulación de la distribución urbana de mercancíes por aciu franxes horaries, xeolocalización, reserva de places de carga y descarga por ventanes horaries y xeográfiques, aplicaciones móviles y creación d'una tarxeta y rexistru de distribución urbana de mercancíes y balices nes zones habilitaes para esta función.

6. Política de Xéneru y Deporte.

6.1. Polítiques de Xéneru.

Nel artículu 14 de la Constitución, reconozse la igualdá formal.

La considerancia de la igualdá como un drechu suxetivu, esixe l'ausencia de discriminación, el drechu a un tratu igual y la posibilidá d'almitir les llamaes discriminaciones positives.

Dende la perspectiva de principiu democráticu, esclúi que grupos sociales en desventaxa puedan quedase aisllaos y ensin voz, con una ciudadanía debilitada o insuficiente.

Y dende el puntu de vista social, la igualdá lexítima un tratu xurídicu distintu y favorable a les presones y grupos que s'atopen en cualquier situación desfavorable.

Poru, dende'l Conceyu, ye necesariu movilizar toles acciones y polítiques públiques precises para encetar, inclusive con calter preventivu y estructural, futures desigualdaes.

1. Tarxeta de Monoparentalidá que dea accesu a una serie de facilidaes como subvenciones, descuentos, ayudes d'accesu a recursos de curiáu infantil... Un equivalente coles families numberoses.

120. Lluha contra la sexualización infantil, llexislado tolo posible dende l'ámbetu municipal, la publicidá de ropa y productos infantiles, evitando les neñes maquillaes y hipersexualizaes.

121. App pa muyeres so puntos conflictivos. Al igual que n'otres ciudaes europees, les usuaries van dir poniendo los llugares polos que ye incómodu pasar, los sitios con riesgu de ser atacada, faciéndola estensible al ociu, señalando los llugares respetuosos. Dicha rede va apurrir información para ellaborar planes municipales qu'erradiquen esos puntos.

122. Espacios para la hixene del recién nacíu nos baños públicos y espacios acondicionaos para la llactancia (pel hibiernu especialmente).

123. Gammificación nes neñes. Fomentar l'usu de consoles nes neñes, ayudar a nun capar la so capacidá de percepción espacial y enclín a les ciencies. Creación d'un Festival de Plays en femeníu.

124. Compromisu de más cais y llugares públicos con nomes femeninos.

125. Campaña "Voi sola si me da la gana". Trabayar por unes cais segures onde'l güeyu tea puestu en que los homes nun faigan vexames, non en que les muyeres teamos curiaes.

126. Promoción de convenios marco con clauses que garanticen la igualdá nel ámbetu llaboral y la conciliación de la vida familiar, personal y llaboral. A tal fin nun se va proceder al rexistru de dengún conveniu que contenga cualesquier tipu discriminación.

127. Potenciar polítiques qu'avancen na corresponsabilidad doméstica y na reconocencia del trabayu reproductivu, que ye realizáu mayoritariamente por muyeres, y que supon un 25% del computo del PIB.

6.2. Deporte.

El deporte nuna sociedá significa salú, salú física y emocional.

Dende'l deporte caltenemos sanos los nuestos cuerpos, combatimos l'avieyamientu prematuru, les enfermedaes propies de la vida sedentaria...

Pero tamién trabajamos la superación, el compañerismu, la tolerancia a la frustración.

Promover polítiques qu'activen la participación de les ciudadanes y ciudadanos nos programes deportivos, en tolos rangos d'edá, ye una xera central para tener una ciudá sana.

Curiar dende lo más institucional, los nuestos equipos y federaciones, hasta lo más espontáneu, el xueu na cai, ye primordial para Por Gijón.

1. Campañes mujer y deporte. Puxar pol deporte femeníu nos estitutos, amestáu a adquirir un mayor enfotu con actividaes como Defensa Presonal.

128. Visibilizar la importancia de los equipos deportivos femeninos del conceyu.

129. Garantizar l'accesibilidá deportiva, especialmente a "los nuestos mayores". Vía básica para perpetuar la so autonomía física y caltener la so rede social.

130. Revisar y actuar en consecuencia frente a les discriminaciones de xéneru que s'afiten nes asociaciones deportives y los deportes.

131. Sofitu al deporte federáu.
132. Atracción de competiciones deportives de primer nivel a Xixón.
133. Renovación y meyora continua de los polideportivos y equipamientos municipales.
134. Impulsar la imaxe de Xixón como destín turísticu deportivu nel norte d'España.
135. Dotar de pistes multiusos a aquellos barrios que na actualidá nun dispongan d'elles.
136. Potenciar el Serviciu Municipal de Medicina Deportiva, amontando los medios humanos y horarios d'atención para solliviar l'actual y abluante llista d'espera.
137. Aprovechando los eventos deportivos populares que se realicen na ciudá, van fomentase les bones práctiques nel deporte, promoviendo la salú física y psíquica.
138. Crear programes de tecnificación deportiva que dexen dar continuidá a los alumnos en formación procedentes de les escuelas deportives municipales y centros educativos.
139. Venceyar a empresas que promuevan la obra pública deportiva para la nuesa ciudá al patrocinu de les nuses entidaes deportives.
140. Desendolque de programes de senderismu y multiaventura que dexen l'espardimientu de les modalidaes deportives que se venceyen coles paraxes naturales de Xixón.
141. Fomentar la integración deportiva, puxando pola práctica deportiva adaptada nes instalaciones públiques, asina como sofitar a les distintes Federaciones de Deportes de presones con discapacidá.
142. Reutilización de los espacios escolares y d'educación cimera pa la práctica deportiva de base amestaos a los programes d'iniciación y puxu deportivu. Adecuación de los espacios deportivos singulares del nusu conceyu algamando una rellación fluyía nel usu los equipamientos.

7. Seguridad y Emerxencies.

El focu la Seguridad na nuesa ciudá, tien de tar nel análisis del comportamientu de la población según nes condiciones físiques de la mesma ciudá. Porque'l primeru desenvuelve nel segundu, utilízalu d'escenariu.

Les polítiques de Seguridad van influir en cómo se configuren los nuevos retos de los conceyos, la calidá de vida de les presones que les habiten.

El manifiestu de Nápoles, nel senu del Foru de la Seguridá de la Unión Europea, yá abogaba por una ciudá atopaíza, solidaria, qu'accepte les distintes sensibilidaes, que xenere espacios de llibertá, hospitalidá, xusticia y seguridá.

Asina ye Xixón y asina tien de seguir siéndolo.

La bona xestión de les emerxencies que puedan dase na nuesa ciudá ye fundamental pa'l desendolque normal de la mesma.

Detectar de secute y dar una respuesta concreto y satisfactorio garantiza que cualquier fechu puntual, seya resueltu de mena lo más efectiva posible y con menos daños.

La seguridá ciudadana ye indispensable, según que toos los nuegos servicios d'emergencia cunten colos medios necesarios.

1. Llume de tolos ámbitos urbanísticos de tránsitu pialonal y ciclopeatonal, curiando l'equilibriu entre la necesidá de llume y l'amenorgamientu del consumu enerxéticu y amenorgamientu de la contaminación llumínica.

143. Garantizar la seguridá nos eventos deportivos para acuartar cualquier actitú racista, xenófoba, sexista y violenta que-y pete utilizar el deporte como escusa de dichos comportamientos.

144. Lluchar escontra la Violencia Machista en tolos sos ámbetos, arropar a les víctimes, dotar de los medios materiales y humanos abondos a les árees responsables de combatir esta lacra, va ser oxetivu prioritariu. Informar y prevenir énte situaciones de riesgu.

145. Informar de mena ñidia, precisa y en tiempu y forma de cualisquier emerxencia qu'afecte a la salú pública y la seguridá de la ciudadanía, fuxendo de comportamientos paternalistes qu'escuenden la información. Y aplicar los protocolos d'emergencies yá esistentes nel Conceyu (PEMUGI, Ordenanza de Protección del Medio Ambiente Atmosféricu)

146. Campaña de divulgación para poner en valor el trabayu y les actividaes que realicen pola ciudadanía los servicios d'emergencies dependientes del Conceyu de Xixón y los servicios d'emergencies presentes nel nuesu conceyu.

147. Allugamientu d'oficines móviles de la Policía Municipal n'espacios allegaos de la ciudá o ónde seya necesariu un refuerzu temporal o puntual de la seguridá por aciú presencia policial o atención a la ciudadanía nesti campu. Potenciación de la policía de barriu.

148. Establecimientu de dispositivos especiales de seguridá nocherniega demientres les fines de selmana y fiestes col fin de garantizar un ociu seguru, especialmente a los nuegos y nueses moces.

149. Compromisu de dotación de los recursos humanos, la formación permanente y los recursos materiales necesarios pa'l cumplimentu de la so función, al Cuerpu Bomberos de Xixón.

150. Faer campañes de sensibilización y formación pa la prevención de riesgos nel ámbetu caseru (accidentes domésticos, quemes,...) especialmente enfotaos a la Tercer Edá.

8. Participación Ciudadana, Tresporencia y Gobiernu Abiertu.

La tresporencia tien de ser unu de los ellementos diferenciadores a la de llevar a cabu cualisquier proyectu políticu.

La tresporencia tanto de quién exerce la función política como de la mesma institución.

Pa garantizar una participación ciudadana afayaíza, la información que sal de les estituciones públiques, ten de ser ñidia, concisa y sencietta. Nun puede existir dengún tipu conceutu de gobiernu abiertu ensin estos dos entamos: la participación ciudadana y la tresporencia.

Pero non como un regalu, sinón porque ye un actu de drechu tener accesu a la información de datos de los que formes parte y saber para qué votes.

El nuesu compromisu ye que tolos ciudadanos puedan conocer, siguir y participar en toles actividaes que lleve a cabu'l Conceyu; fundamentalmente a ónde van los nuesos impuestos y ónde gasta'l dineru'l Conceyu.

1. Reforzar la política tresporente y accesible del nuesu Conceyu y de la nuesa web, reformando la web de Tresporencia Municipal, con conteníos intuitivos, adaptaos y organizaos por materies y/o barrios.

151. Apurrir mayor rapidez a la traslación de la información municipal na web de tresporencia, especialmente no tocante a les votaciones nel Plenu y otros muérganos decisorios.

152. Apurrir la información d'aquelles inversiones qu'afecten dafechamente a la ciudadanía. Nel casu d'inversiones qu'afecten al viario o execución d'obra pública, y tengan especial afectación, amás va tresporentise la información del estáu de les mesmes a cuerpu de cai.

153. Reforzar la figura la Conceyalía Distritu, pa la coordinación de les necesidaes de barrios y parroquies asina comu nel contactu directu coles persones, nun papel de mediación. Coles mesmes, proponemos la presencia periódica y regular nos distritos pa sentir a les vecines y vecinos de la redolada de forma directa.

154. Potenciar los Conseyos de Distritu. Apostamos pola participación directa de los mesmos en cuestiones que-yos afecten dafechu, cola posibilidá de formar meses coyunturales pa asuntos concretos que puedan facer falta, con apertura a persones y colectivos, según un calendariu específicu d'esposición, alderique y averamientu a cosensos.

155. Ameyorar el funcionamientu los conseyos sectoriales. Tratamientu nel senu de los mesmos de cuestiones que-yos afecten, con ellaboración añal d'un informe con trabayos realizaos y propuestas pa'l conceyu.

156. Crear meses coyunturales de participación pa cuestiones concretes. A manera d'exemplu, proponemos la de la mesa seguridá ciudadana, que se va axuntar especialmente en períodos vacacionales y por mor de problemátiques concretes de seguridá ciudadana. A diches meses, formaes por fuerces de seguridá y conceyu, va convidase coles mesmes a colectivos y asociaciones afectaes que van participar nel alderique, información y toma de consensos.

157. Impulsar un serviciu municipal de participación ciudadana, con medios materiales y humanos, a cunta de dinamizar los procesos esistentes asina como facer el trabayu de campu necesariu.
158. Reformar el procesu de los presupuestos participativos, con importes averaos a les posibilidaes presupuestaries reales y con compromisu explícitu d'execución de les propuestas ganadores nel exerciciu siguiente, sacante nos casos de que se trate de propuestas de realización en más d'un exerciciu. Proponemos la ponderación de les propuestas en función de la importancia pa Xixón. Coles mesmes, proponemos realizar una feria de participación coles propuestas finalistes, de mena que puedan ser conocíes pola ciudadanía de forma abierta y espuestas por quien les defende.
159. Realizar métodos de participación informales de la ciudadanía n'aspeutos concretos que faigan falta, como encuestes, trabayos de campu, paseos ciudadanos, acercamientu a colectivos infrarrepresentaos..., incluyendo encuestes sencielles na web municipal para solicitar la opinión ciudadana sobre determinaos asuntos d'interés para'l conceyu.
160. Garantizar que cualquier ciudadanu capaz d'axuntar el 1% del censu municipal de firmes vecinales, tenga la opción de falar nel plenu, con vez de retruque y derechu a ser escucháu.
161. Meyorar l'espardimientu y actualizar l'aplicación municipal “Cuida Gijón”.
162. Control públicu de la xornada llaboral de los 27 Conceyales, amparándonos nel Real Decreto Llei 8/2019.